



7 Mei 2021
7 May 2021
P.U. (A) 222

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH INDUSTRI PERKHIDMATAN AIR (RETIKULASI AIR DAN PEMASANGAN PAIP) (PINDAAN) 2021

WATER SERVICES INDUSTRY (WATER RETICULATION AND PLUMBING) (AMENDMENT) RULES 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA INDUSTRI PERKHIDMATAN AIR 2006

KAEDAH-KAEDAH INDUSTRI PERKHIDMATAN AIR
(RETIKULASI AIR DAN PEMASANGAN PAIP) (PINDAAN) 2021

PADA menjalankan kuasa yang diberikan oleh seksyen 180 Akta Industri Perkhidmatan Air 2006 [*Akta 655*], Suruhanjaya membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Industri Perkhidmatan Air (Retikulasi Air dan Pemasangan Paip) (Pindaan) 2021**.

(2) Kaedah-Kaedah ini mula berkuat kuasa pada 10 Mei 2021 kecuali peruntukan yang dinyatakan dalam subkaedah (3).

(3) Subperenggan 11(*b*)(iv), 11(*d*)(i), 11(*d*)(ii) dan 11(*d*)(iii) Kaedah-Kaedah ini mula berkuat kuasa pada 10 Mei 2023.

Pindaan kaedah 2

2. Kaedah-Kaedah Industri Perkhidmatan Air (Retikulasi Air dan Pemasangan Paip) 2014 [*P.U. (A) 36/2014*], yang disebut “Kaedah-Kaedah ibu” dalam Kaedah-Kaedah ini, dipinda dalam kaedah 2—

(*a*) dengan menggantikan takrif “pemaju” dengan takrif yang berikut:

‘ “pemaju” ertinya mana-mana orang atau agensi kerajaan yang terlibat dalam atau melaksanakan atau menjalankan atau memberikan wang untuk membangunkan kerja-kerja berkaitan dengan sistem bekalan air;’ dan

(*b*) dengan memasukkan selepas takrif “stesen persampelan” takrif yang berikut:

‘ “takungan perkhidmatan” ertinya apa-apa takungan untuk menyimpan air terawat pada tekanan atmosfera, yang dibina atau akan dibina bagi maksud memberikan perkhidmatan ke suatu kawasan pembangunan;’.

Pindaan kaedah 7

3. Kaedah 7 Kaedah-Kaedah ibu dipinda—

(a) dalam perenggan 3(a), dengan menggantikan perkataan “dan sesalur utama bekalan di dalam kawasan pembangunan itu” dengan perkataan “atau sesalur utama bekalan ke kawasan pembangunan itu atau kedua-duanya”; dan

(b) dalam subkaedah (4)—

(i) dalam teks bahasa kebangsaan, dengan memasukkan selepas perkataan “Jika pemegang lesen pengagihan” perkataan “air”; dan

(ii) dengan menggantikan perkataan “takungan perkhidmatan terpusat bersama dengan sesalur utama bekalan yang akan disambungkan ke sesalur utama awam” dengan perkataan “takungan perkhidmatan terpusat atau sesalur utama bekalan yang akan disambungkan ke sesalur utama awam atau kedua-duanya”.

Kaedah baharu 33A dan 33B

4. Kaedah-Kaedah ibu dipinda dengan memasukkan selepas kaedah 33 kaedah yang berikut:

“Kadar aliran kepala paip dan injap pencampur

33A. Seseorang yang memasang kepala paip dan injap pencampur hendaklah memastikan kadar aliran kepala paip dan injap pencampur itu tidak melebihi 8 liter per minit kecuali bagi—

- (a) aktiviti pembersihan yang memerlukan kadar aliran air yang lebih tinggi;
- (b) aktiviti siraman tanaman yang menggunakan hos dan memerlukan kadar aliran air yang lebih tinggi; dan
- (c) aktiviti cucian kenderaan di pusat cucian kereta.

Kadar aliran kepala paip mandian, injap pencampur mandian dan pancuran mandi

33B. Seseorang yang memasang kepala paip mandian, injap pencampur mandian dan pancuran mandi hendaklah memastikan kadar aliran kepala paip mandian, injap pencampur mandian dan pancuran mandi itu tidak melebihi 10 liter per minit.”.

Pindaan kaedah 65

5. Subkaedah 65(1) Kaedah-Kaedah ibu dipinda dengan memotong perkataan “Kecuali bagi tangki simbah yang menggunakan sistem sifon,”.

Pindaan kaedah 75

6. Subkaedah 75(2) Kaedah-Kaedah ibu dipinda dalam teks bahasa kebangsaan dengan memotong perkataan “atau penggantian semula”.

Pindaan kaedah 79

7. Kaedah 79 Kaedah-Kaedah ibu dipinda dengan menggantikan subkaedah (1) dengan subkaedah yang berikut:

“(1) Jika—

- (a) meter gagal untuk mencatat dengan betul isi padu air yang dibekalkan melaluinya ke mana-mana premis atas sebab perlakuan apa-apa kesalahan di bawah Akta atau pelanggaran mana-mana peruntukan Kaedah-Kaedah ini oleh pengguna; atau

(b) meter didapati terlebih catat di bawah subkaedah 78(6),

caj yang akan dikenakan, berkenaan dengan mana-mana tempoh atau bahagian daripada suatu tempoh yang pada pendapat pemegang lesen pengagihan air kegagalan itu atau terlebih catat itu, mengikut mana-mana yang berkenaan, di bawah perenggan (a) atau (b) telah berlaku atau berterusan, hendaklah—

- (i) atas asas purata penggunaan air bagi premis itu atau premis yang serupa bagi tiga bulan terakhir bil yang pada pendapat pemegang lesen pengagihan air tidak terdapat kegagalan sedemikian;
- (ii) atas asas suatu tambahan kepada atau suatu tolakan daripada amaun yang boleh dicaj bagi suatu tempoh pengebilan tertentu yang bersamaan dengan peratus yang meter itu telah ditentukan telah mencatat terlalu sedikit atau terlalu banyak, mengikut mana-mana yang berkenaan; atau
- (iii) atas asas anggaran penggunaan air yang dikira untuk tiga bulan daripada bacaan pemeriksaan yang diambil daripada meter baharu yang dipasang di premis itu mengikut subkaedah 78(5)."

Pindaan kaedah 81

8. Kaedah 81 Kaedah-Kaedah ibu dipinda dengan memotong perkataan "dan peranti pemadaman kebakaran yang lain".

Pindaan kaedah 83

9. Kaedah 83 Kaedah-Kaedah ibu dipinda dengan menggantikan takrif "Pengurusan" dengan takrif yang berikut:

“ “Pengurusan” ertinya—